



***GAZETI RASMI LA SERIKALI YA  
MAPINDUZI YA ZANZIBAR***

*(Hupigwa Chapa kwa Amri ya Serikali)*

**Sehemu ya CXXX Nam. 6954**

**23 Novemba, 2021**

**Bei Shs. 3,000/=**

*Imekubaliwa na Mkuu wa Posta kuwa ni Gazeti*

**YALIYOMO**

*Ukurasa*

Mswada wa Sheria ya Kurekebisha Sheria Mbali Mbali  
na Kuweka Masharti Bora ndani yake ..... 659

**SEHEMU YA SHERIA**

Tangazo la Mswada lililotajwa hapo chini linatangazwa katika ***Gazeti Rasmii*** hili.

**Tangazo la Mswada**

Nam. :- Mswada wa Sheria ya Marekebisho ya Sheria Mbali  
Mbali, 2021

**TANGAZO**

Mswada ufuatao utawasilishwa katika Mkutano wa Baraza la Wawakilishi utakaoanzia tarehe 15 Disemba, 2021 kwa kusomwa kwa mara ya kwanza, pili na tatu na unachapishwa pamoja na Madhumuni na Sababu zake kwa ajili ya kutoa taarifa kwa wananchi.

**ZANZIBAR**  
23 Novemba, 2021

**(Mhandisi Zena Ahmed Said )**  
***Katibu wa Baraza la Mapinduzi na***  
***Katibu Mkuu Kiongozi.***

**MSWADA***wa***SHERIA YA KUREKEBISHA SHERIA MBALI MBALI NA  
KUWEKA MASHARTI BORA NDANI YAKE**

IMETUNGWA na Baraza la Wawakilishi Zanzibar.

**SEHEMU YA KWANZA  
MASHARTI YA AWALI**Jina fupi  
na kuanza  
kutumika.

1. Sheria hii itajulikana kama Sheria ya Marekebisho ya Sheria Mbalimbali, 2021 na itaanza kutumika mara baada ya kuwekwa saina na Rais.

Marekebisho  
ya sheria  
mbalimbali.

2. Sheria zilizotajwa katika sehemu mbalimbali za Sheria hii zinarekebishwa kwa namna zinavyoelezwa katika sehemu husika.

**SEHEMU YA PILI  
MAREKEBISHO YA SHERIA YA AFISI YA MKURUGENZI  
WA MASHTAKA, NAM. 2 YA 2010**

Kusomwa.

3. Sehemu hii itasomwa pamoja na Sheria ya Afisi ya Mkurugenzi wa Mashtaka, Nam. 2 ya 2010, ambapo katika Sehemu hii itajulikana kama “Sheria Mama”.

Marekebisho  
ya kifungu  
cha 5.

4. Kifungu cha 5 cha Sheria Mama kinarekebishwa kwa:

- (a) katika kifungu kidogo cha (1) kuongeza maneno “idara, divisheni na” kabla ya neno “vitengo”;
- (b) kufuta kifungu kidogo cha (2) na kuweka badala yake kifungu kidogo kipya cha (2) kama ifuatavyo:

“(2) Mkurugenzi, kwa kuzingatia vigezo na masharti kama atakavyoona inafaa, na kwa mujibu wa Muundo wa Utumishi wa Ofisi, atateuwa wakuu wa idara, divisheni na vitengo.”

**SEHEMU YA TATU  
MAREKEBISHO YA SHERIA YA UTALII ZANZIBAR,  
NAM. 6 YA 2009**

Kusomwa.

5. Sehemu hii itasomwa pamoja na Sheria ya Utalii Zanzibar, Nam. 6 ya 2009, ambapo katika Sehemu hii itajulikana kama “Sheria Mama”.

Marekebisho  
ya kifungu  
cha 5.

6. Kifungu cha 5 cha Sheria Mama kinarekebishwa kwa:

- (a) katika kifungu kidogo cha (1) kufuta aya ya (a) na kuweka badala yake aya mpya ya (a) kama ifuatavyo:

“(a) Mwenyekiti ambaye atateuliwa na Rais”.

- (b) kufuta kifungu kidogo cha (2) na kuweka badala yake kifungu kidogo kipya cha (2) kama ifuatavyo:

“(2) Makamishna watamteuwa mmoja miongoni mwao kuwa Makamu Mwenyekiti”.

7. Sheria Mama inarekebisha kwa kuongezwa kifungu kipya cha 5A mara baada ya kifungu cha 5 kama ifuatavyo:

Kuongezwa  
kifungu  
kipya cha  
5A.

Katibu wa  
Kamisheni.

**5A.**-(1) Kamisheni itateuwa mwanasheria ambaye ni muajiriwa wa Kamisheni kuwa Katibu wa Kamisheni.

(2) Katibu atawajibika kwa Kamisheni, na atakuwa na majukumu ya:

- (a) kuchukua kumbukumbu za vikao;
- (b) kutunza kumbukumbu sahihi na zinazojitosheleza;
- (c) kuweka rejista la maamuzi ya vikao;
- (d) kutoa taarifa sahihi za vikao;
- (e) kutoa ushauri sahihi kwa Kamisheni pale unapohitajika; na
- (f) kufanya kazi nyengine yoyote kama atakavyoelekezwa na Kamisheni.

8. Sheria Mama inarekebisha kwa kuongezwa kifungu kipya cha 5B mara baada ya kifungu cha 5A kama ifuatavyo:

Kuongezwa  
kifungu  
kipya cha  
5B.

Muda wa  
Kamisheni.

**5B.** Isipokuwa mjumbe anayeingia kwa nafasi yake, Mwenyekiti na wajumbe wengine watahika nafasi kwa kipindi cha miaka mitatu na wanaweza kuteuliwa tena kwa kipindi chengine kimoja tu.

9. Kifungu cha 6 cha Sheria Mama kinafutwa.

Kufutwa  
kwa kifungu  
cha 6.

10. Kifungu cha 8 cha Sheria Mama kinarekebisha kwa kufuta vifungu vidogo vya (2) na (3) na kuweka badala yake vifungu vidogo vipya vya (2) na (3) kama ifuatavyo:

Marekebisho  
ya kifungu  
cha 8.

“(2) Akidi ya kikao cha Kamisheni itakuwa zaidi ya nusu ya idadi ya Makamishna wote.

(3) Vikao vyote vya Kamisheni vitaendeshwa na Mwenyekiti na iwapo Mwenyekiti hayupo, Makamo Mwenyekiti ataendesha kikao”.

Kuongezwa kifungu kipyaa cha 23C. **11.** Sheria Mama inarekebishwa kwa kuongezwa kifungu kipyaa cha 23C mara baada ya kifungu cha 23B kama ifuatavyo:

Polisi wa Utalii na Diplomasia. **23C.-(1)** Kutakuwa na Polisi wa Utalii na Diplomasia watakaoratibiwa na Kamisheni na ambao watafanya doria katika maeneo ya utalii kwa ajili kuwalinda watalii na mali zao”.

(2) Muundo, kazi na mambo mengine yanayohusiana na Polisi wa Utalii na Diplomasia yatakuwa kama itakavyoainishwa katika kanuni.

Marekebisho ya kifungu cha 31. **12.** Kifungu cha 31 cha Sheria Mama kinarekebishwa katika kifungu kidogo cha (2) kwa kufuta aya ya (e).

**SEHEMU YA NNE**  
**MAREKEBISHO YA SHERIA YA USIMAMIZI WA FEDHA ZA**  
**UMMA, NAM. 12 YA 2016**

Kusomwa. **13.** Sehemu hii itasomwa pamoja na Sheria ya Usimamizi wa Fedha za Umma, Nam. 12 ya 2016, ambapo katika Sehemu hii itajulikana kama “Sheria Mama”.

Kuongezwa kifungu kipyaa cha 133C. **14.** Sheria Mama inarekebishwa kwa kuongezwa kifungu kipyaa cha 133C mara baada ya kifungu cha 133B kama ifuatavyo:

“Msamaha. **133C.-(1)** Kwa kuzingatia masharti ya sheria yoyote husika au sheria nyengine yoyote, Waziri anaweza, kwa Amri iliyochapishwa katika Gazeti Rasmi, kusamehe kodi yote au sehemu ya kodi, ushuru, tozo, ada au tozo nyengine yoyote.

(2) Bila ya kujali masharti ya sheria husika au sheria nyengine yoyote, Waziri anaweza, kwa Amri iliyochapishwa katika Gazeti Rasmi, kusamehe kodi yote au sehemu ya kodi, ushuru, tozo, ada au tozo nyengine yoyote kwa maslahi ya umma kama itakavyoidhinishwa na Baraza la Mapinduzi.

(3) Waziri ataweka utaratibu wa kusimamia msamaha chini ya kifungu hiki”.

**SEHEMU YA TANO**  
**MAREKEBISHO YA SHERIA YA KODI YA ONGEZEKO LA**  
**THAMANI, NAM. 4 YA 1998**

Kusomwa. **15.** Sehemu hii itasomwa pamoja na Sheria ya Kodi ya Ongezeko la Thamani, Nam. 4 ya 1998, ambapo katika Sehemu hii itajulikana kama “Sheria Mama”.

Marekebisho ya kifungu cha 3. **16.** Kifungu cha 3 cha Sheria Mama kinarekebishwa katika kifungu kidogo cha (4) kwa kufuta maneno “Hazina ya Jamhuri ya Muungano wa Tanzania” yaliyojitokeza baina ya maneno “kwa” na “kwa mujibu wa” na kuweka badala yake maneno “Mamlaka ya Mapato Tanzania.”

**SEHEMU YA SITA  
MAREKEBISHO YA SHERIA YA MAMLAKA YA HIFADHI  
NA UENDELEZAJI MJI MKONGWE, NAM. 4 YA MWAKA 2010**

**17.** Sehemu hii itasomwa pamoja na Sheria ya Mamlaka ya Hifadhi na Uendelezaji Mji Mkongwe, Nam. 4 ya Mwaka 2010, ambapo katika Sehemu hii itajuilikana kama “Sheria Mama”.

Kusomwa.

**18.** Kifungu cha 7 cha Sheria Mama kinarekebishwa kwa:

Marekebisho ya kifungu cha 7.

(a) kuongeza aya mpya ya (g) mara baada ya aya ya (f) kama ifuatavyo:

“(g) kuruhusu uwekezaji wowote wa kibiashara, makaazi na shughuli nyengine yoyote ndani ya Mji Mkongwe kwa kuzingatia Mpango Mkuu wa Uhifadhi na Urithi wa Mji Mkongwe;”

(b) kuzipa nambari aya zilizobakia kwa mpangilio wake.

**19.** Kifungu cha 11 cha Sheria Mama kinarekebishwa kwa:

Marekebisho ya kifungu cha 11.

(a) katika kifungu kidogo cha (1):

(i) katika aya ya (c), kufuta neno “Zanzibar” na kuweka badala yake neno “Mjini”;

(ii) katika aya ya (d), kufuta neno “Nyaraka”;

(b) katika kifungu kidogo cha (3), kufuta maneno “kifungu cha 10 cha Sheria ya Uwekezaji” na kuweka badala yake maneno “masharti ya Sheria ya Utumishi wa Umma”.

**20.** Kifungu cha 12 cha Sheria Mama kinarekebishwa kwa kuongeza aya ya (e) mara baada ya aya ya (d) kama ifuatavyo:

Marekebisho ya kifungu cha 12.

“(e) kusimamia uendeshaji Mfuko wa Uhifadhi wa Mji Mkongwe”.

**21.** Sheria Mama inarekebishwa kwa kuongezwa Sehemu mpya ya VA mara baada ya Sehemu ya V kama ifuatavyo:

Kuongezwa Sehemu mpya ya VA.

**SEHEMU YA VA  
UANZISHWAJI WA MFUKO WA UHIFADHI WA MJI  
MKONGWE**

Uanzishwaji wa Mfuko wa Uhifadhi wa Mji Mkongwe.

**40A.** Kunaanzishwa Mfuko wa Uhifadhi wa Mji Mkongwe utakao kuwa chini ya Bodi na kusimamiwa na Mkurugenzi Mkuu kwa mujibu wa maelekezo ya Bodi.

Madhumuni ya Mfuko.

**40B.** Madhumuni ya Mfuko ni:

- (a) kukusanya fedha kutoka katika vyanzo tofauti na kuziwekeza katika uwekezaji, programu na miradi; na
- (b) kuutumia Mfuko kwa ubora na ufanisi katika kuhifadhi; kuimarisha; kukarabati na kuifanyia matengenezo miundombinu, maeneo ya kupumzikia, maeneo ya wazi na bustani ndani ya Mji Mkongwe wa Zanzibar.

Vyanzo vya  
Mfuko.

**40C.** Vyanzo vya Mfuko vitakuwa ni:

- (a) malipo ya utangulizi yatokanayo na uwekezaji ndani ya Mji Mkongwe;
- (b) ushuru utakaolipwa na watu wanaowekeza ndani ya Eneo la Urithi wa Dunia au mtu anayenufaika na huduma zilizomo ndani ya Eneo la Urithi wa Dunia;
- (c) kodi ya ardhi itakayokusanywa ndani ya Eneo la Urithi wa Dunia;
- (d) asilimia tano inayotokana na Mfuko wa Miundombinu wa Serikali;
- (e) kodi ya majengo itakayokusanywa ndani ya Eneo la Urithi wa Dunia;
- (f) ruzuku, zawadi, michango, wasia na michango mengine itakayotolewa kwa Mamlaka;
- (g) mapato yatokanayo na uwekezaji ulifanywa na Mfuko;
- (h) ada, faini au tozo zinazotozwa na Mamlaka; na
- (i) malipo mengine yoyote halali au mali zinazopokelewa kwa ajili ya uwekezaji au uendelezaji ndani ya eneo la Mji Mkongwe wa Zanzibar.

Matumizi  
ya Mfuko.

**40D.** (1) Matumizi ya Mfuko yatakuwa kwa ajili ya uwekezaji, uhifadhi, uimarishaji, ukarabati na matengenezo ya miundombinu, maeneo ya kupumzikia, maeneo ya wazi na bustani ndani ya Mji Mkongwe wa Zanzibar.

(2) Bila ya kuathiri masharti ya kifungu kidogo cha (1) cha kifungu hiki, Mfuko utatumika baada ya kupatikana ridhaa ya Bodi.

Taarifa na  
ripoti ya  
Akaunti ya  
Mfuko.

**40E.** Mfuko utakaguliwa na kutolewa taarifa kwa mujibu wa Sheria ya Usimamizi wa Fedha za Umma.

22. Kifungu cha 33 cha Sheria Mama kinarekebishwa katika kifungu kidogo cha (3) kwa kuongeza maneno “anayehusika na ardhi” baina ya neno “Waziri” na “ata”. Marekebisho ya kifungu cha 33.

23. Kifungu cha 34 cha Sheria Mama kinarekebishwa kwa: Marekebisho ya kifungu cha 34.

(a) katika kifungu kidogo cha (1):

(i) kuongeza maneno “anayehusika na ardhi” baina ya neno “Waziri” na neno “kuridhia”;

(ii) kufuta maneno “wa Ardhi na Usajili” baina ya neno “Mkurugenzi” na “ata” na kuwekwa badala yake maneno “anayehusika na ardhi”;

(b) katika kifungu kidogo cha (2), kuongeza maneno “anayehusika na ardhi” baada ya neno “Waziri”.

24. Kifungu cha 41(1) cha Sheria Mama kinarekebishwa kwa: Marekebisho ya kifungu cha 41.

(a) katika aya ya (a), kufuta maneno ruzuku, zawadi, michango, wasia na michango mengine itakayotolewa kwa Mamlaka;

(b) kufuta aya ya (b);

(c) kuzipa nambari aya zilizobakia kwa mpangilio wake.

25. Kifungu cha 42 cha Sheria Mama kinarekebishwa: Marekebisho ya kifungu cha 42.

(a) katika kifungu kidogo cha (1) kwa:

(i) kufuta nambari (1);

(ii) kufuta maneno “kutoka zifuatazo:”;

(b) kwa kufuta vifungu vidogo vya (2), (3) na (4).

**SEHEMU YA SABA**  
**MAREKEBISHO YA SHERIA YA KUWAENZI VIONGOZI WA**  
**KITAIFA, NAM. 5 YA 2019**

26. Sehemu hii itasomwa pamoja na Sheria ya Kuwaenzi Viongozi wa Kitaifa, Nam. 5 ya 2019, ambapo katika Sehemu hii itajuilikana kama “Sheria Mama”. Kusomwa.

27. Kifungu cha 4 cha Sheria Mama kinarekebishwa katika kifungu kidogo cha (2) kwa kuongeza aya ya (g) mara baada ya aya ya (f) kama ifuatavyo: Marekebisho ya kifungu cha 4.

“(g) picha itakayoonesha sehemu ya juu ya mwili wa Marais wengine ambao wamewahi kushika nafasi ya urais wa Zanzibar na maelezo mafupi yanayoelezea vipindi vyao vya urais.”

Marekebisho  
ya kifungu  
cha 8.

**28.** Kifungu cha 8 cha Sheria Mama kinafutwa na kuweka badala yake kifungu kipya cha 8 kama ifuatavyo:

Wiki ya  
kuwaenzi  
Viongozi wa  
Kitaifa,  
Waasisi wa  
Mapinduzi  
ya Zanzibar  
na Katibu wa  
Kwanza wa  
Chama cha  
Afro Shirazi.

**8.-(1)** Kutakuwa na Wiki ya Kuwaenzi Viongozi wa Kitaifa, Waasisi wa Mapinduzi ya Zanzibar na Katibu wa Kwanza wa Chama cha Afro Ahirazi kuanzia tarehe 1 hadi 6 Aprili ya kila mwaka.

(2) Wiki ya kuwaenzi Viongozi wa Kitaifa, Waasisi wa Mapinduzi ya Zanzibar na Katibu wa Kwanza wa Chama cha Afro Shirazi itajumuisha shughuli mbali mbali zenye lengo la kuwaenzi Viongozi wa Kitaifa.

(3) Siku ya tarehe 7 Aprili ya kila mwaka itakuwa ni siku ya Karume ambayo itakuwa ni siku ya mapumziko na Waziri kwa kushauriana na Baraza la Mapinduzi ataaanisha pahala patakapofanyika shughuli za kumbukumbu za siku hiyo.

(4) Siku ya Karume itakuwa ni siku ya kumbukumbu ya marehemu Sheikh Abeid Amani Karume ambapo kutafanyika shughuli mbalimbali za kuashiria kukumbukwa mafanikio mazuri ya utendaji wake.

(5) Kwa madhumuni ya kifungu hiki “Waasisi wa Mapinduzi ya Zanzibar” maana yake ni Wanzanzibari walioongoza harakati za Mapinduzi ya Zanzibar ya Mwaka 1964 chini ya uongozi wa Marehemu Sheikh Abeid Amani Karume kama ilivyoainishwa katika Jadweli la Sheria hii;”.

Marekebisho  
ya kifungu  
cha 14.

**29.** Kifungu cha 14 cha Sheria kinarekebishwa katika kifungu kidogo cha (3) kwa kufuta maneno “kwa ajili ya maombolezo”.



**JADWELI**  
**WAASISI WA MAPINDUZI YA ZANZIBAR YA MWAKA 1964**  
**[Chini ya kifungu cha 8(5)]**

---

NAM.	JINA
1.	KANALI MSTAAFU, MAREHEMU SEIF BAKARI OMAR
2.	BRIGEDIA GENERALI MSTAAFU, MAREHEMU RAMADHAN HAJI FAKI
3.	MAREHEMU MOHAMED ABDALLA KAUIJORE
4.	MAREHEMU SAID IDDI BAVUAI
5.	MAREHEMU HAMID AMEIR ALI
6.	MAREHEMU PILI KHAMIS MPERA
7.	MAREHEMU SAID WASHOTO MNYUKE
8.	MSAIDIZI KAMISHNA MWANDAMIZI WA POLISI MSTAAFU, MAREHEMU KHAMIS DARWESH MDINGO
9.	MAREHEMU HAFIDH SULEIMAN ALMASI
10.	KAMISHNA WA POLISI MSTAAFU, MAREHEMU EDDINGTON HERBERT KISSASSI
11.	MEJA GENERALI MSTAAFU, MAREHEMU ABDALLA SAID NATEPE
12.	MEJA GENERALI MSTAAFU, MAREHEMU YUSSUF HIMID MAFTAH
13.	MAREHEMU ABDULLA M FARANYAKI

## MADHUMUNI NA SABABU

Madhumuni ya Mswada huu ni kupendekeza marekebisho ya Sheria mbali mbali kama inavyoelezwa hapa chini. Marekebisho yaliyopendekezwa ni kwa ajili ya kuondosha changamoto mbali mbali zilizojitokeza katika utekelezaji wa sheria husika.

Mswada huu umegawika katika sehemu Saba:

***Sehemu ya Kwanza:*** inaelezea masharti ya awali yanayojumuisha Jina fupi na kuanza kutumika na Marekebisho ya Sheria mbali mbali.

***Sehemu ya Pili:*** inahusiana na marekebisho ya Sheria ya Afisi ya Mkurugenzi wa Mashtaka, Nam. 2 ya 2010. Katika sehemu hii, inapendekeza marekebisho katika kifungu cha 5 cha Sheria Mama, katika kifungu kidogo cha (1) kuongeza maneno “idara, divisheni na” kabla ya neno “vitengo” na kufuta kifungu kidogo cha (2) na kuweka badala yake kifungu kidogo kipya cha (2) ambacho kitampa uwezo Mkurugenzi wa Mashtaka kuweza kuteua wakuu wa idara, divisheni na vitengo.

***Sehemu ya Tatu:*** inaelezea marekebisho ya Sheria ya Utalii Zanzibar, Nam. 6 ya 2009. Katika sehemu hii inapendekezwa kufanya marekebisho ya kifungu cha 5 cha Sheria Mama katika kifungu kidogo cha (1) kwa kufuta aya ya (a) na kuweka badala yake aya mpya ya (a) ambayo inahusiana na kuweka uteuzi wa Mwenyekiti kutokuwa mwajiriwa wa kudumu, kufuta kifungu kidogo cha (2) na kuweka badala yake kifungu kidogo cha (2) ambacho ni uteuzi wa Makamo Mwenyekiti, kuongezwa kifungu kipya cha 5A ambacho kinahusiana na Katibu wa Kamisheni, kuongeza kifungu kipya cha 5B kinachohusiana na muda wa Kamisheni, kufuta kifungu cha 6 cha Sheria Mama, kufanya marekebisho ya kifungu cha 8 cha Sheria Mama kwa kufuta vifungu vidogo vya (2) na (3) na kuweka badala yake vifungu vidogo vipya vya (2) na (3), kuongezwa kifungu kipya cha 23C mara baada ya kifungu cha 23B ambacho kinahusiana na Wasaidizi wa Polisi Utalii na kufanya marekebisho katika kifungu cha 31(2) kwa kufuta aya ya (e).

***Sehemu ya Nne:*** inahusiana na marekebisho ya Sheria ya Usimamizi wa Fedha za Umma, Nam. 12 ya 2016. Sehemu hii inakusudia kufanya marekebisho katika Sheria Mama kwa kuongezwa kifungu kipya cha 133C mara baada ya kifungu cha 133B ambacho kinahusiana na Msamaha.

***Sehemu ya Tano:*** inahusiana na marekebisho ya Sheria ya Kodi ya Ongezeko la Thamani, Nam. 4 ya 1998 na katika sehemu hii inapendekeza kufanya marekebisho katika kifungu cha 3(4) cha Sheria Mama kwa kufuta maneno “Hazina ya Jamhuri ya Muungano wa Tanzania” yaliyojitokeza baina ya maneno “kwa” na “kwa mujibu wa” na kuweka badala yake maneno “Mamlaka ya Mapato Tanzania”.

***SSehemu ya Sita:*** inahusiana na marekebisho ya Sheria ya Mamlaka ya Hifadhi na Uendelezaji Mji Mkongwe wa Zanzibar, Nam. 4 ya 2010. Sehemu hii inafanya marekebisho katika kifungu cha 7 cha Sheria Mama kwa kuongeza aya mpya ya (g) mara baada ya aya ya (f), marekebisho katika kifungu cha 11 cha Sheria Mama katika kifungu kidogo cha (1) na (3) kwa kufutwa maneno “kifungu cha 10 cha Sheria ya Uwekezaji” na badala yake kuwekwa maneno “masharti ya Sheria ya Utumishi wa Umma”, marekebisho katika kifungu cha 12 cha Sheria Mama kwa

kuongeza aya mpya ya (e) mara baada ya aya ya (d), kuongezwa kwa Sehemu mpya ya VA mara baada ya Sehemu ya V inayohusuana na Uanzishwaji wa Mfuko wa Uhifadhi wa Mji Mkongwe, marekebisho ya kifungu cha 33 cha Sheria Mama katika kifungu kidogo cha (3) kwa kuongeza maneno “anayehusiana na ardhi” baina ya neno “Waziri” na “ata”, marekebisho katika kifungu cha 34 katika kifungu kidogo cha (1) na (2), marekebisho katika kifungu cha 41 cha Sheria Mama katika kifungu kidogo cha (1) na marekebisho katika kifungu cha 42 cha Sheria Mama kwa kufutwa nambari (1) iliopo katika kifungu kidogo cha (1) kufutwa maneno “kutoka zifuatazo” yaliopo mwishoni kwa kifungu kidogo cha (1) na kufutwa kwa vifungu vidogo vya (2), (3) na (4).

***Sehemu ya Saba:*** inahusiana na marekebisho ya Sheria ya Kuwaenzi Viongozi wa Kitaifa, Nam. 5 ya 2019 ambapo kifungu cha 4 cha Sheria Mama kinarekebishwa katika kifungu kidogo cha (2) kwa kuongeza aya mpya ya (g) mara baada ya aya ya (f), kufuta na kundika upya kifungu cha 8 cha Sheria Mama ambacho kinahusiana na kuwaenzi Viongozi wa Kitaifa, Waasisi Wapinduzi ya Zanzibar na Katibu wa Kwanza wa Chama cha Afroshirazi na kufanya marekebisho katika kifungu cha 14(3) cha Sheria Mama kwa kufuta maneno “kwa ajili ya maombolezo”.

**ZANZIBAR**  
**23 Novemba, 2021**

**DKT. MWINYI TALIB HAJI**  
**MWANASHERIA MKUU**  
**ZANZIBAR**

